



## Publicaziuns dalla vischnaunca, jamna 26

### Damondas da baghegiar

**Datum da publicaziun:** ils 22 da zercladur 2012

**Nr. 2012-1042**

**Il patrun:** Edgar Monn, Via Sursilvana 19, 7180 Disentis/Mustér

**Il representant:** Biro d'architectura Gujan e Pally, Via Lucmagn 19, 7184 Curaglia

**Object:** Engrondaziun dalla casa e construcziun da parcadis novs, parcella 892, Via Sursilvana 19, 7180 Disentis/Mustér

**Nr. 2012-1043**

**Il patrun:** Societad da baghegiar Buretsch, c/o Albert Dettling, biro d'architectura, Via Alpsu 44, 7188 Sedrun

**Il representant:** Albert Dettling, architect HTL/STV, Via Alpsu 44, 7188 Sedrun

**Object:** Construcziun d'ina casa da pliras habitaziuns, parcella 2325, Via Vallars 1, 7186 Segnas

**Nr. 2012-1044**

**Il patrun:** Giovanni Sabbadini-Giger, Via Sogn Gions 15, 7180 Disentis/Mustér

**Il representant:** Giovanni Sabbadini-Giger, Via Sogn Gions 15, 7180 Disentis/Mustér

**Object:** Construcziun d'in baghetg da mistregn cun ina habitaziun, parcella 1059, Via Raveras 39, 7180 Disentis/Mustér

Ils plans da construcziun ein deponi tier l'administraziun communal.

L'investa publica cuoza 20 dis dapi il datum dalla publicaziun.

Eventualas protestas encunter sura damondas da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sutta-scretta dil recurrent ni da siu representant.

Disentis/Mustér, ils 27-6-2012

*Uffeci da baghegiar Disentis/Mustér*

---

### Lubientschas da baghegiar

L'istanza da baghegiar ha concediu suandontas lubientschas da baghegiar:

**Nr. 2012-1015**

Societad da baghegiar Alma, Via Funs-Dado 3, 7180 Disentis/Mustér; spazzar ils baghetgs existents 125 e 125a, reconstrucziun d'ina casa nova da pliras habitaziuns e da mistregn, parcella 809, Via Lucmagn 25/Via Pintga 2, 7180 Disentis/Mustér.

**Nr. 2012-1027**

Ronny ed Eveline Zanin-Paulin, Via dalla Staziun 5, 7180 Disentis/Mustér; spazzar la bargia da lenna ed il biro e construir ord la scrinaria existenta ina habitaziun, parcella 850, Via Raveras 22, 7180 Disentis/Mustér.

Quellas lubientschas san vegnir contestadas enteifer 30 dis dapi la publicaziun el Fegl ufficial dalla Surselva tier la Dertgira administrativa dil cantun Grischun.

Disentis/Mustér, ils 26-6-2012

*Uffeci da baghegiar Disentis/Mustér*



### **Cussegl da vischnaunca**

#### ***Mustér s'occupescha cun la meglieraziun funsila e fixescha l'indemnisaziun dallas autoritads***

En sia seduta dils 22 da zercladur 2012 ha il cussegl da vischnaunca sut il presidi da Rita Huonder-Tenner concediu in credit da 350 000 francs per elaborar il preproject per la meglieraziun funsila ed approbau il regulativ concernent. Quels dus conclus ein aunc suttamess al referendum facultativ. Plinavon ha il parlament communal eligiù *Walter Deplazes* sco president dalla cumissiun da meglieraziun ed *Armin Berther, Martin Lutz, Renaldo Lutz ed Ursina Murer-Fatzer* sco commembers.

Il president communal ed il cau dil departament d'agricultura appartegnan ex officio alla cumissiun. *Gionin Caduff* vegn proponius al Departament d'economia e fatgs publics dil Grischun sco president dalla cumissiun da schazetg, *Gion Darms e Giusep Flepp* vegnan nominai sco commembers. *Paul Fry-Pelican e Clau Schlosser* daventan suppleants.

Ils 11 da mars 2012 ha la cuminonza dils votants giu decidiu cun grond pli d'arranschar ina meglieraziun funsila per igl intschess dalla vischnaunca da Mustér. Davart dil parlament communal eis ei vegniu accentuau, che quella gronda ovra hagi da survir al beinstar dall'entira vischnaunca e che la suprastanza communal dueigi sestentar d'accelerar quellavurs.

Il parlament communal ha plinavon approbau in niev regulativ per il persunal communal sco era in regulativ d'indemnisaziun. Quels dus novs regulativs remplazzan il regulativ da salarisaziun. Ina cumissiun predeliberonta sut il presidi da Flavio Murer e cun sustegn da Clemens Berther ha giu preparau quella fatschenta. Ella preveda denter auter ina sligiazion fetg flexibla per igl engaschament dil president communal. L'indemnisaziun totala dalla suprastanza communal duei buca survargar la summa d'ina piazza cumpleina. En quei connex ha il cussegl da vischnaunca incaricau la suprastanza communal d'elaborar in reglament per la direcziun communal.

En num dalla suprastanza communal ha il president communal saviu confirmar, che quella refurma seigi instradada. Cun quella mesira duei la suprastanza communal vegnir descargada e saver se concentrar predominantamein sin las activitads strategicas. Ultra da quei ei l'iniziativa per ina midada dalla costituziun communal concernent l'elecziun e la funcziun dalla cumissiun da gestiun vegnida discussiunada.

En num dils iniziants ha mistral cass Heinrich Huonder presentau duront in interrupziun dalla seduta las pretensiuns dils iniziants. Suenter ina discussiun animada ha il cussegl da vischnaunca decidiu da remetter quella fatschenta alla suprastanza communal cun l'incarica d'examinar da rudien la problematica giuridica concernent procedura e terminis e silsuentar presentar in messadi surluvrau al cussegl da vischnaunca. Ella debatta eis ei vegniu constatau da pliras varts, ch'il sistem parlamentar, decidiu igl onn 2008 dalla cuminonza dils votants, seigi secumprovaus e funcziuneschi fetg bein. Ei seigi perquei buca evident, pertgei ch'ins stuessi gia ussa far ina midada.

Damai ch'il niev eligiù avat Vigeli Monn ha demissiunau sco commember dalla cumissiun da gestiun, ei Flavio Murer vegnius eligius en quei gremi per la fin dalla perioda d'uffeci. La suprastanza communal ha saviu rapportar che la dismessa dalla lenna derschida entras il stemprau dalla primavera seigi sin buna via. Plinavon han retschercasconfirmau, che l'aua da beiber dalla vischnaunca da Mustér hagi ina buna qualitat.

#### *Suprastanza communal*

---

### **Referendum facultativ**

A caschun da sia seduta dils 22 da zercladur 2012 ha il cussegl da vischnaunca approbau il regulativ per la meglieraziun funsila e concediu in credit da frs. 350 000.-- per elaborar il preproject per la meglieraziun funsila. Conform ad art. 21 lit. b e c dalla costituziun communal ein quellavurs suttamessas al referendum facultativ. Il regulativ per la meglieraziun funsila sco era il messadi davart la damonda da credit ein exponi per investa en casa communal (stanza nr. 10). **Enteifer 20 dis** dapi la publicaziun officiala han 80 votants la pusseivladad d'inoltrar enviars sura conclus il referendum facultativ e pretender ina votaziun dil pievel.

#### *Suprastanza communal*



### **Temps da vacanzas – temps d'examinar ils documents da viadi**

Persunas che planiseschan da passentar lur vacanzas egl'exteriur ein supplicadas d'examinar a dretg temps lur documents da viadi (*pass ni carta d'identitad*). Per l'emissiun da novs documents sto vegnir quintau cun rodund 15 dis da spetga. Fagei quella cuorta controlla, buca che Vossas vacanzas entschivan cun dagrettas.

*Administraziun communal Disentis/Mustér*

---

### **Controlla da habitonts Mortori**

Carigiet Roman, naschius ils 5-8-1956, morts ils 24-6-2012.

---

### **Fiasta alpestra si Alp Glivers**

Mira sut Sumvitg!

---

### **Ludoteca Mustér**

Liug/Ort: Halla Cons, tel. 076 494 39 92  
e-mail: [ludoteca@disentis.ch](mailto:ludoteca@disentis.ch)

**Uras d'avertura/Öffnungszeiten:**  
Gliendisdis/Montag: 18.30–20.00  
Gievgia/Donnerstag: 16.00–17.30  
Venderdis/Freitag: 18.30–20.00

**Adatg:** Ils meins fenadur ed uost ei la ludoteca aviarta mo il gliendisdis ed il venderdis dallas 18.30–20.00. La gievgia suentermiezdi resta la ludoteca serrada durant ils meins da fenadur ed uost. Il team dalla Ludoteca Mustér ha creau in memori cun bialas fotografias veglias e novas dalla vischnaunca da Mustér. Il cudischet che s'auda era tier il memori ha en bia informaziun tier mintga fotografia. Alla fiasta «100 onns Viafier Retica» ei quei memori gia vegnius vendius. Naven dad immediat sa il memori vegnir retratgs per frs. 38.– en ludoteca ni en differentas stizuns dil vitg da Mustér.

Engraziand pil sustegn  
*team Ludoteca Mustér*

---

### **Biblioteca populara Mustér**

**Liug:** Casa da scola, tel. 081 947 52 90, [biblioteca@disentis.ch](mailto:biblioteca@disentis.ch)

Sut [www.disentis.ch](http://www.disentis.ch) ni [www.bibliotecas-surselva.ch](http://www.bibliotecas-surselva.ch) anfleis Vus nies entir catalog bibliotecar.

Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.



**La biblioteca ei aviarta:**

Gliendisdis 18.30–20.00 uras

Mardis 13.30–15.00 uras

Gievgia 16.00–17.30 uras

Venderdis 18.30–20.00 uras

Nies motto: Leger . . . tedlar . . . mirar . . . !  
Nus selegrein da mintga viseta.

*Biblioteca populara Mustér*